



Broj: 07-11-1052/21
Vogošća, 28.07.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 28.07.2021. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA UCJEVLJENJU
DIJELA "SUHOG POTOKA"-DONJA JOŠANICA II**

Član 1.

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na ucjevljenju dijela "Suhog potoka"-Donja Jošanica II, kao prvoplasirana na Rang listi, sa ponuđenom ukupnom cijenom nabavke u iznosu od 18.924,63 KM bez uračunatog PDV-a, odnosno 22.141,81 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 05.07.2021. godine donio Odluku o pokretanju Otvorenog postupka nabavke radova na ucjevljenju dijela "Suhog potoka"-Donja Jošanica II, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.07.2021. godine pod brojem: 1353-1-3-124-3-91/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 22.07.2021. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 22.07.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1052/21 iz jula 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Dinalsa" d.o.o Sarajevo	24.709,50	/	/	28.910,11
2	"Ame" d.o.o Breza	24.996,63	/	/	29.246,06
3	"Bucomerc" d.o.o Kiseljak	25.496,43	/	/	29.830,82
4	"Termo-beton" d.o.o Breza	24.780,90	/	/	28.993,65
5	"Igm-lut Haskić" d.o.o Vitez	24.990,00	/	/	29.238,30
6	"Hidrom" d.o.o Vogošća	27.463,50	/	/	32.132,29

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Igm-lut Haskić" d.o.o. Vitez ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoc građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoc građevinskim mašinama) dostavi Diploma/Svjedočanstvo o završenoj traženoj stručnoj spremi i dokaz o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Igm-lut Haskić" d.o.o. Vitez je u svojoj Ponudi (strana 32.-34. Ponude) kao dokaz za traženo dostavio Diplomu o završenoj srednjoj stručnoj školi broj: 299-06/1 od 16.06.1998. godine, izdatu od Mješovite srednje škole građevinske i saobraćajne struke Zenica, a kojom se dokazuje da je Faris Ahmić stekao zanimanje vozač motornih vozila.

Uvažavajući dostavljeno, Komisija za javne nabavke cijeni da je ponuđač "Igm-lut Haskić" d.o.o. Vitez dostavljanjem prethodno pomenute Diplome propustio da dostavi dokaz tražen tačkom 7.4.1. pod b) TD, a kojom je kao uslov jasno propisan radnik SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoc građevinskim mašinama).

- Tačkom 7.4.1.pod c) TD je propisano da Ponuđač mora posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to 1 rovokopač i 1 teretno vozilo-kamion kiper.

Tačkom 7.4.2. pod c) TD je kao dokaz tražena Izjava na obrascu ponuđača da ima u posjedu odgovarajuće građevinske mašine (mekanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c). TD

Ponuđač "Igm-lut Haskić" d.o.o. Vitez je u svojoj Ponudi dostavio Upotrebnu dozvolu za rovokopač-gusjeničar kao i Potvrdu o registraciji za samoistovarivač/kiper.

Međutim, Ponuđač "Igm-lut Haskić" d.o.o. Vitez je propustio da dostavi Izjavu na obrascu ponuđača da ima u posjedu odgovarajuće građevinske mašine (mekanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c) TD, te je na taj način postupio suprotno jasno postavljenim zahtjevima ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Dinalsa" d.o.o. Sarajevo,
- "Ame" d.o.o Breza,
- "Bucomerc" d.o.o. Kiseljak,
- "Termo beton" d.o.o. Breza i
- "Hidrom" d.o.o Vogošća

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 28.07.2021. godine u 12:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 28.07.2021. godine, Komisija za javne nabavke je sačinila sljedeću Rang listu u Otvorenom postupku nabavke radova na ucjevljenju dijela "Suhog potoka"-Donja Jošanica II kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ame" d.o.o Breza	18.924,63	22.141,81
2	"Termo-beton" d.o.o Breza	18.950,00	22.171,50
3	"Dinalsa" d.o.o Sarajevo	24.709,50	28.910,11
4	"Bucomerc" d.o.o Kiseljak	25.496,43	29.830,82
5	"Hidrom" d.o.o Vogošća	27.463,50	32.132,29

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o. Breza, za izvođenje radova na ucjevljenju dijela "Suhog potoka"-Donja Jošanica II, kao prvoplasiranom na Rang listi, sa ponuđenom ukupnom cijenom nabavke u iznosu od 18.924,63 KM bez uračunatog PDV-a, odnosno 22.141,81 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršč

Melisa Kršč

Dostavljeno:

1. "Dinalsa" d.o.o. Sarajevo
2. "Ame" d.o.o. Breza
3. "Bucomerc" d.o.o. Kiseljak
4. "Termo-beton" d.o.o. Breza
5. "Igm-lut Haskić" d.o.o Vitez
6. "Hidrom" d.o.o. Vogošća
7. Nadležnoj Službi
8. U dosije
9. a/a

033/513-674

032/783-936

030/876-248

032/784-005

030/522-166

hidrom.doo@hotmail.com



OPĆINSKI NAČELNIK

Edin Smajić
Edin Smajić